



**bhansa**

AGENCIJA ZA Pružanje usluga u zračnoj plovidbi  
AGENCIJA ZA Pružanje usluga u zračnoj plovidbi  
AGENCIJA ZA Pružanje usluga u zračnoj plovidbi  
BOSNIA AND HERZEGOVINA NAVIGATION  
SERVICES AGENCY

**Broj: 1-25-16-4-3224-30/17**

**Datum: 04.07.2018.godina**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 64. stav (1) . člana 70. Zakona o javnim nabavkama („Službeni glasnik BiH“, broj 39/14), člana 8. stav (2) tačka f) Pravilnika o uspostavljanju i radu Komisije za nabavke („Službeni glasnik BiH“ broj 103/14), na preporuku Komisije za javnu nabavku broj:1-25-16-4-3224-14/17 od 18.01.2018.godine, u postupku nabavke usluge organizovanog prevoza zaposlenih za 2018. godinu za potrebe ATCU II Banja Luka, direktor Agencije za pružanje usluga u zračnoj plovidbi BiH, na osnovu zaključka sa 70.. sjednice Uprave Agencije održane dana 25.06.2018. godine, donosi

### **ODLUKU o izboru najpovoljnijeg ponuđača**

#### **Član 1.**

Prihvata se preporuka Komisije za javnu nabavku broj: 1-11-16-4-3224-29/17 od 07.06.2018.godine i ugovor za javnu nabavku usluge organizovanog prevoza zaposlenih za 2018. godinu za potrebe ATCU II Banja Luka dodjeljuje se ponuđaču SAŠA TURS“Laktaši ponuda broj: 1-25-16-4-3224-9/17 od 05.12.2017.godine, za ponuđenu cijenu od 39.837,00 KM bez PDV-a.

#### **Član 2.**

Ova odluka objavit će se na web-stranici [www.bhansa.gov.ba](http://www.bhansa.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama.

#### **Član 3.**

Ova odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav (2). Zakona o javnim nabavkama.

#### **Član 4.**

Stupanjem na snagu Ove Odluke prestaje da važi Odluka o izboru najpovoljnijeg ponuđača broj 1-25-16-4-3224-8/17 od 05.12.2017. godine.

### **O b r a z l o ž e n j e**

Na osnovu Odluke o pokretanju postupka javne nabavke usluge organiziranog prevoza zaposlenih u ATCU II broj 1-11-16-4-3224-1/17 od 10.10.2017.godine, Komisija je započela otvoreni postupak objavom Obavještenja o nabavci broj:1250-1-2-133-3-77/17 dana 13.11.2017.godine na Portalu javnih nabavki.

Do krajnjeg roka za preuzimanje tenderske dokumentacije istu su sa Portala javnih nabavki preuzeli sljedeći dobavljači:

1. Lukajić-Travel& Transport Agency“ s.l. Trn-Laktaši
2. J.P.L. „Saša turs“ Laktaši
3. „Casco turs“ doo Prijedor
4. Ekapija doo
5. BBS Europe
6. Euroline travel doo
7. GLOBTUR d.o.o
8. DOO Aldemo Turs
9. ROTAS AD
10. Geoput d.o.o. Banja Luka
11. BOCAČ TURS DOO

Komisija je konstatovala da su blagovremeno pristigle (tri) ponude ponuđača i to kako slijedi:

**Adresa:** Ortiješ b.b. 88000 Mostar, Bosna i Hercegovina | **Tel.:** + 387 36 281 000 | **Faks:** + 387 36 281 010

**E-mail:** [info@bhansa.gov.ba](mailto:info@bhansa.gov.ba) | **Internet:** [www.bhansa.gov.ba](http://www.bhansa.gov.ba)

**Identifikacijski broj:** 4227685650001 | **UniCredit Bank d.d.** 3381302231671053

1. grupa ponuđača „CASCO TOURS“ export – import d.o.o i Prevoz „Janjić“ d.o.o. Prijedor
2. „Lukajić-Travel& Transport Agency“ s.l. Trn-Laktaši
3. J.P.L. „Saša turs“ Laktaši

Nakon otvaranja ponuda Komisija je pristupila analizi pristiglih ponuda, te izvršila ocjenjivanje prema kriterijima definisanim tenderskom dokumentacijom. Komisija je konstantovala slijedeće:

- svi ponuđači su dostavili sve dokumente tražene tenderskom dokumentacijom, te ispunili sve uslove i zahtjeve tenderske dokumentacije
- Prilikom provjere računске ispravnosti ponude grupe ponuđača „CASCO TOURS“ export – import d.o.o i Prevoz „Janjić“ d.o.o. Prijedor, utvrđeno je da u Aneksu 2 - Obrazac za cijenu ponude, jedinične cijene po turama nisu pomnožene sa 30 kao što je predviđeno tačkom 8.4. Tenderske dokumentacije (*Kalkulaciju cijene raditi na prosječno 30 dana što treba primjeniti kod popunjavanja Aneksa 1 i 2.*) Ugovorni organ je ispravio računsku grešku što ponuđač nije prihvatio te je, u skladu sa članom 68. Zakona o javnim nabavkama („Službeni glasnik BiH“ broj 39/14) i tačkom 9.5. Tenderske dokumentacije ponuda odbačena.

Obavještenjem o nabavci i tenderskom dokumentacijom je bila predviđeno provođenje e-aukcije. E-aukcija je provedena dana 08.01.2018. godine sa početkom u 10:00 sati i završetkom u 13:49 Kriterij za ocjenjivanje ponude je najniža cijena tehnički zadovoljavajuće ponude. Rang lista ponuđača kako slijedi:

Naziv / ime ponuđača	Ponuđena cijena (bez PDV-a) Prije provođenja e-aukcije	Ponuđena cijena (bez PDV-a) Poslije provedene e-aukcije
„SAŠA TURS“Laktaši	61.920,00 KM	39.837,00
„Lukajić Travel& Transport Agency, Trn Laktaši	74.995,20 KM	39.458,00

Na osnovu gore navedenog, članovi Komisije su jednoglasno dali preporuku da je najpovoljniji ponuđač u postupku javne nabavke usluge organizovanog prevoza zaposlenih za 2018. godinu za potrebe ATCU II Banja Luka Lukajić Travel& Transport Agency, Trn Laktaši te je predložila da se donese odluka o izboru najpovoljnijeg ponuđača Lukajić Travel& Transport Agency, Trn Laktaši s ukupnom ponuđenom cijenom u iznosu od 39.458,00 KM bez PDV-a.

Izabrani ponuđač Lukajić Travel& Transport Agency, Trn Laktaši je izjavio žalbu na Odluku o izboru najpovoljnijeg ponuđača koju je ugovorni organ zaprimio 26.02.2018. godine.

U svojoj žalbi žalitelj je naveo da je Ugovorni organ pogrešno tumačio i primjenio Zakon o javnim nabavkama i podzakonske akte, prije svega član 3. Pravilnika o uslovima i načinu korištenja e-aukcije kojim je propisano da“prije e-aukcije ugovorni organ u sistem E-nabavke unosi sve prihvatljive ponude“ jer je žalitelj smatrao da ponuda drugorangiranog ponuđača JPL „SAŠA TURS“Laktaši ne ispunjava sve uslove tražene tenderskom dokumentacijom.

Ured za razmatranje žalbi BiH je svojim Zaključkom broj JN2-01-07-1-122-8/18 od 11.03.2018. godine odbacio žalbu kao neosnovanu zbog nedostatka aktivne legitimacije žalitelja.

Protiv Zaključka Ureda za razmatranje žalbi BiH izabrani ponuđač Lukajić Travel& Transport Agency, Trn Laktaši je podnio tužbu Sudu BiH, u kojoj je između ostalog zahtijevao odgađanje izvršenja konačnog upravnog akta, odnosno zaključka Ureda za razmatranje žalbi BiH do okončanja upravnog spora.

Sud BiH je svojim Rješenjem broj S1 3 U 028511 U od 04.05.2018. godine odbio zahtjev tužitelja za odgađanje izvršenja konačnog upravnog akta broj JN2-01-07-1-122-8/18 od 11.03.2018. godine tuženog Ureda za razmatranje žalbi BiH kao neosnovan.

U skladu s navedenim Komisija je aktom broj 1-25-16-4-3224-26/17 od 09.05.2018.godine dostavila prijedlog ugovora ponuđaču Lukajić Travel& Transport Agency, Trn Laktaši koji je svojim dopisom broj 1-25-16-4-3224-27/17 od 28.05.2018.godine obavjestio ugovorni organ da je pokrenuo upravni spor pred Sudom BiH, pri čemu nije dostavio potpisan ugovor o nabavci.

S obzirom da je Sud BiH odbio zahtjev tužitelja za odgađanje izvršenja konačnog upravnog kao neosnovan, te da odabrani ponuđač Lukajić Travel& Transport Agency, Trn Laktaši nije u ostavljenom roku dostavio potpisane ugovore, Komisija jednoglasno predlaže Upravi Agencije da se Odluka o izboru najpovoljnijeg ponuđača Lukajić Travel& Transport Agency, Trn Laktaši poništi i da se ugovor o nabavci, u skladu sa zakonom i tenderskom dokumentacijom, dodijeli drugorangiranom ponuđaču SAŠA TURS“Laktaši, u iznosu od 39.837,00 KM.

Iz navedenih razloga, odlučeno je kao u članu 1. ove Odluke.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **Dostaviti**

- Ponuđačima
- Web stranica BHANSA-e
- a/a

